



Hans Enoksen  
Inatsisartunut Ilaasortaq Naleraq  
inatsisartut@ina.alla.gl

**Kigutit nakorsaanukartarneq pillugu § 37 naapertorlugu nr. 101/2022-mut akissut**

27-05-2022  
Suliap normua 2022 - 10963  
All. nr. 20170888

Asasara Hans Enoksen

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutinut tullinnguuttumi issuarneqartunut akissuteqartinneqartunullu qujapput.

Postboks 1160  
Oqarasuaat: 34 50 00  
Fax: 34 55 05  
3900 Nuuk  
Email: [pn@nanaq.gl](mailto:pn@nanaq.gl)  
[www.naalakkersuisut.gl](http://www.naalakkersuisut.gl)

- 1. Suna pissutaava nunaqarfimmiut kigutit nakorsaanukarniarunik angalanertik ineqarnerillu namminneq akilissagaat meeraagunik imaluunniit inersimasuugunik illoqarfimmut kigutit nakorsalimmut kigutit nakorsiassagunik?**

**Akissut:**

§ 37 tunngavigalugu kigutigissaaneq pillugu apeqqut nr. 259/2013-ip akissutaanut innersuussisoqarpoq, tassani atuarneqarsinnaavoq napparsimasunik angallassineq peqqinnissaqarfiup sullissineri pillugit Inatsisartut peqqussutaanni nr. 15, 6. november 1997-imeersumi kapitali 7-imi malittarisassiorneqartoq. Tassani allaqqavoq nappaatinut aarlerinartunut sanilliunneqarsinnaasumik kigutilerisoqartariaqartillugu aatsaat peqqinnissaqarfik kigutileritinnermut akiliussisartoq. Taamaattumik katsorsartariaqarasuakkamik, nappaatinut aarlerinartunut sanilliunneqarsinnaasumik, kigutilerisoqartariaqanngippat peqqinnissaqarfiup angalanermut, ineqarnermut nerisaqarnermullu aningaasartuuteqarnissaanut inatsisitigut tunngavissaqanngilaq.

- 2. Qanoq akulikitsigisumik kigutit nakorsaat nunaqarfinnut angalasarpat?**

**Akissut:**

Kigutileriffiit ukiumut atasiasaq kigutip nakorsaanik ilaqarlutik nunaqarfinnut angalasarnissaq anguniagaraat.

Inussiarnersumik inuulluaqqusillunga

Mimi Karlsen